

龍飛御天歌 卷第九

龍飛御天歌卷第九

嚴威로 처엄보샤 迺終애 殊息이 시니 누아니 춍츰

고셔후리

赤心으로 처엄보샤 迺終내 赤心이 시니 누아니

스랑후수동리

維是嚴威始相見之終以殊息孰不願隨

維是赤心始相見斯終亦赤心孰不思懷

維是嚴威事見上

上。策六十六
章黥布事也

○楚王韓信初之

國行縣邑陳兵出入

之。往也。行。下
孟切。按行也

人有上書告信



反者。上。上聲。下並同。高祖以問諸將。皆曰。亟發兵。阮豎子

耳。將。即亮切。下並同。亟。紀力切。急也。豎。臣雨切。童僕之未冠者。高祖默然。又問

陳平。平曰。人主書言信反。信知之乎。曰。不知。平曰。

陛下精兵孰與楚。與。如也。高祖曰。不能過。平曰。陛下

諸將用兵有能過韓信者乎。高祖曰。莫及也。平曰。

今兵不如楚精。而將不能及。舉兵攻之。是趣之戰

也。竊為陛下危之。趣。讀曰促。為。去聲。高祖曰。為之奈何。平

曰。古者天子有巡狩會諸侯。狩。舒救切。巡狩者。巡行諸侯所守之土也。

會諸侯。謂諸侯各朝于方嶽之下也。陛下第出偽游雲夢會諸侯於

陳第且也。但也。夢。莫風切。又讀如字。雲夢。楚澤名也。陳。縣名。屬淮陽國。故陳國。陳楚之

西界。信聞天子以好出游。其執必無事而郊迎謁。

謁而陛下因禽之。此特一力士之事耳。好。即好會。乘車之會。

也。勢。俗作執。謁。見也。郊迎謁。謂出其郊遠迎謁也。禽。通作擒。下同。高祖以為然。乃

發使告諸侯會陳。吾將南游雲夢。使。去聲。將。如字。高祖因

隨以行。信聞之。自疑懼。不知所為。人或說信曰。斬

鍾離昧。以謁上。上必喜無患。信從之。說。音稅。下並同。鍾離。復姓。

昧。莫曷切。名也。項羽故將。昧素與信善。羽死後亡歸信。高祖悉昧。聞其在楚。詔楚捕昧。高祖

會諸侯於陳。信持昧首謁高祖。高祖令武士縛信。

載後車。

令平聲。縛繫也。後車副車也。

信曰。果若人言。狡兔死。走

狗烹。高鳥盡。良弓藏。敵國破。謀臣亡。

語出黃石公三略。與本文

小異。狡。猾也。

天下已定。我固當烹。高祖曰。人告公反。遂

械繫信以歸。因赦天下。

械。下戒切。械者。加以桎。械繫者。加以徽索也。

高

祖還至洛陽。赦信封為淮陰侯。

淮陰縣名。屬臨淮郡。

信知高

祖畏。惡其能。多稱病不朝。從居常鞅鞅。羞與絳灌

等列。

惡。去聲。朝。馳遙切。朝見也。從。才用切。從。避也。鞅。通作快。快快。志不滿也。絳。謂絳侯周勃。灌。

謂將軍灌嬰也。信前為大將。又封王。今封侯。故羞也。

嘗過樊將軍噲。噲跪拜

送迎。言稱臣曰。大王乃肯臨臣。

將。即亮切。下並同。噲。苦夫切。

信

出門笑曰。生乃與噲等為伍。言俱為列侯也。高祖以韓王

信材武。所王北近鞏洛。南迫宛葉。東有淮陽。皆天

下勁兵處。韓王信。故韓襄王孽孫也。師古曰。鞏。即今鞏縣也。宛。於元切。葉。式涉切。宛葉。南

陽之二縣也。韓之分。晉其地南至宛葉。西北包鞏洛。接于新安。宜陽。東有潁川。而淮陽之地。則屬于

楚。及漢定天下。韓王信剖符王潁川。其地東無有淮陽。所謂北近南迫。言其境相迫近耳。不屬韓也。

乃以太原郡三十一縣為韓國。徙韓王信王太原

以北。備禦胡。都晉陽。班志。太原郡領二十一縣。今以三十一縣為韓國。韓

王信上書曰。國被邊。匈奴數入寇。晉陽去塞遠。請

治馬邑。高祖許之。被。猶帶也。數。音朔。下並同。蓋定襄未置郡。故太原之境。北被邊。

兼有鴈門之馬邑也。
塞。先代切。邊界也。
匈奴圍韓王信於馬邑。韓王

信數使使胡求和解。
下使。去聲。漢發兵救之。疑韓王信

數間使有二心。使人責讓韓王信。
間。去聲。私也。上使。去聲。讓。亦責

也。韓王信恐誅。以馬邑降匈奴。
降。胡江切。下同。匈奴冒頓

因引兵南踰句注。攻太原至晉陽。
冒頓。音墨特。或讀如字。單于頭

曼太子也。弑頭曼自立。句。音鉤。句注。山名。在代州鴈門縣西北三十里。高祖自將擊

韓王信。破其軍於銅鞮。斬其將王喜。韓王信亡走

匈奴。
鞮。丁奚切。銅鞮縣。屬上黨郡。後韓王信復與胡騎。入居參合。漢使將軍柴武擊之。屠參合。

斬初高祖以陽夏侯陳豨為相國。監趙代邊兵。
夏。音。

賈。陽夏縣名。屬淮陽國。豨許豈切。又音希。相去聲。下並同。代郡名。屬幽州。有五原關。常山關。豨為趙

相國。將兵守代。豨過辭信。信挈其手。辟左右與之步於庭。

仰天嘆曰。子可與言乎。辟音闕。除也。屏除左右也。豨曰。唯將軍

令之。信曰。公之所居。天下精兵處也。而公陛下之

信幸臣也。人言公之畔。陛下必不信。再至。陛下乃

疑矣。三至。必怒而自將。畔通作叛。吾為公從中起。天下

可圖也。為去聲。豨素知其能也。信之曰。謹奉教。豨常

慕魏無忌之養士。無忌。魏公子信陵君名也。為人仁而下士。士無賢不肖。皆謙而

禮交之。不敢以其富貴驕士。士以此方數千里。爭往歸之。致食客三千人。及為相守邊

告歸過趙。賓客隨之者千餘乘。邯鄲官舍皆滿。告歸。

告休傲也。或謂之謝。謝亦告也。漢律。二千石有予告。有賜告。予告者在官有功最。法所當得也。賜告者病滿三月當免。天子優賜其告。使得帶印綬。

官屬歸家治病。至成帝時。郡國二千石。賜告不須

歸家。至和帝時。賜予告皆絕。乘去聲。邯鄲。故趙國。趙相周昌來入見高祖具

言。豨賓客甚盛。擅兵於外。數歲恐有變。見賢遍切。如字。

高祖令人覆案豨客居代者。諸不法事。多連引豨。

豨恐。令。平聲。下並同。覆。審也。韓王信因使王黃、曼丘臣等說

誘之。曼。音萬。曼丘。複姓。臣名也。太上皇崩。高祖尊太公為太上皇。太上。無上也。極尊

之稱。不與治國。故不言帝也。高祖使人召豨。豨稱病不至。遂與

黃等反自立為代王。劫略趙代。高祖自東擊之。至

邯鄲。喜曰。豨不南據邯鄲而阻漳水。吾知其無能

為矣。令昌選趙壯士可令將者。白見四人。見如字一說賢

遍切。謂告白於天子而召見之。高祖嫚罵曰。豎子能為將乎。四人

慙皆伏地。高祖封各千戶以為將。左右諫曰。從入

蜀漢伐楚。賞未徧行。今封此。何功。項羽立高祖為漢王。王巴蜀漢

中。使卒三萬人。從漢王之國。楚與諸侯之慕從者數萬人。羽自立為西楚霸王。高祖曰。非

汝所知。豨反。趙代地皆豨有。吾以羽檄徵天下兵。

未有至者。今計唯獨邯鄲中兵耳。吾何愛四千戶。

不以慰趙子弟。皆曰善。

徽者。以木簡為書。長尺二寸。用徽召也。其有急事。則

加以鳥羽。插之。示速疾也。

呂祖謙曰。

祖謙字伯恭。號東萊先生。宋孝宗朝人也。

踞洗以挫黥布。

隨以王者之供帳。

供。去聲。

嫚罵以挫趙將。而隨以

千戶之侯封。

將。即亮切。

用不測之辱。施不測之恩。顛

倒豪傑。莫知端倪。此帝之所以能鼓舞一世也。

端。緒也。倪。研。奚切。畔也。

又聞豨將皆故賈人。

賈。音古。

高祖曰。吾知所以與之

矣。

與。猶待也。知與之者。知所以與之之術也。一說與如也。言能如之何也。

乃多以金

購豨將。豨將多降。豨軍遂敗。

購音構。賞募也。豨將皆故賈人。賈人嗜利。

乃多以金購之也。

太尉周勃斬豨於當城。

當城縣名。屬代郡。

信稱

病不從擊豨。陰使人至豨所與通謀。

從才用切。所處所也。

信

謀與家臣夜詐詔赦諸官徒奴。欲發以襲呂后。太子

部署已定待豨報。

有罪而居作者為徒。有罪而沒入官者為奴。部署謂部分

而署置之

其舍人得罪於信。信因欲殺之。

舍人親近左右之通稱也。

後遂以為私屬官號

舍人弟上變告信欲反狀於呂后。

上上聲。土

變告謂土告非常之事

呂后欲召恐其儻不就。乃與蕭相國

謀。

儻或然之辭也。蕭相國謂蕭何也。

詐令人從高祖所來言豨已

得死。列侯群臣皆賀。列者見序列也。相國給信曰：雖疾疆

入賀。給欺也。疆其兩切。信入。呂后使武士縛信，斬之。長樂

鐘室。樂音洛。長樂本秦之興樂宮，在長安城東隅。周回二十里。宮中有臨華殿、溫室殿、長信宮。

又有長秋、永壽、永寧等殿。鐘室謂縣鐘之室也。信方斬曰：吾悔不用蒯徹

之計，乃為兒女子所詐，豈非天哉！遂夷信三族。苦蒯

怪切。姓也。初蒯徹知天下權在信，乃以相人之術說信曰：僕相君之面，不過封侯。相君之背，貴不可

言。信曰：何謂也？徹曰：今楚漢分爭，智勇俱困。當今兩主之命，懸於足下。為漢則漢勝，與楚則楚勝。誠

能聽臣之計，莫若兩利而俱存之。參分天下，鼎足而居。其勢莫敢先動。秦齊之故，有膠泗之地。深拱

揖讓，則天下之君王相率而朝於齊矣。天與弗取，反受其咎。時至不行，反受其殃。願足下熟慮之。信

曰。漢王過我甚厚。吾豈可以鄉利而倍義乎。徹曰。勇略震主者身危。功蓋天下者不賞。今足下戴震主之威。挾不賞之功。歸楚。楚人不信。歸漢。漢人震恐。足下安歸乎。信謝曰。先生且休矣。徹復說曰。夫功者難成而易敗。時者難得而易失也。時乎時乎。不舞來。信猶豫不忍倍漢。遂謝徹。夷。平也。謂盡誅也。除

司馬光曰。

光字君實。宋人。事仁英神。括四朝。編資治通鑑。

世或以韓信

為首建大策。與高祖起漢中。定三秦。遂分兵以

北。禽魏。取代。仆趙。脅燕。東擊齊。而省之。南滅楚。

垓下。漢之所以得天下者。大抵皆信之功也。項羽

封高祖為漢王。王巴蜀漢中。都南鄭。以雍王章邯塞王司馬欣翟王董翳分關中地而王之。是

為三秦。禽通作擒。下同。羽又徙魏王豹為西魏王。王河東。都平陽。仆。僵也。羽徙趙王歇為代王。居代。立張耳為常山王。王趙地。治襄國。陳餘以齊兵襲常山。王耳走漢。餘迎歇。復王趙。歇立餘為代王。餘留傅趙王。而使夏說守代。羽立燕將臧荼為燕王。都薊。徙齊王市為膠東王。都即墨。立齊將田都為齊王。都臨菑。立田安為濟北王。都博陽。田榮擊走都。遂弒市。自立為齊王。使彭越擊殺安。并王三齊。楚擊齊。榮走死。楚立田假為齊王。榮弟橫立榮子廣為王。擊假走之。壞音誼。坡下。聚邑名。一云。坡堤名。在沛郡。正義曰。按坡。是高岡絕巖。今猶高三四丈。其聚邑及堤。在坡之側。因取名焉。高祖至南鄭。以韓信為大將。高祖曰。將軍何以教寡人乎。信辭謝。因曰。大王自料勇悍仁彊孰與項王。高祖默然良久曰。不如也。信曰。信亦以為太王不如也。然臣嘗事之。請言項王之為人也。項王喑噤叱咤。千人皆廢。然不能任屬賢將。此特匹夫之勇耳。見人慈愛。

言語嘔嘔。至人有功當封爵者。印刑敝。忍不能
予。此婦人之仁也。雖霸天下。不居關中。而都彭
城。放逐義帝。所過殘滅。民不親附。各雖為霸。實
失天下心。故其疆易弱。今大王誠能反其道。任
天下武勇。何所不誅。以天下城邑封功臣。何所
不服。以義兵從。思東歸之士。何所不散。且三秦
王。將秦子弟數歲。所殺亡不可勝計。又欺其衆。
降諸侯。及項王。阮秦卒。唯此三人得脫。秦父兄
怨之。痛入骨髓。而楚彊以威王之。夫王入關。秋
毫無所害。除秦苛法。於諸侯之約。又當王關中。
而失職。入漢中。秦民無不恨者。今舉而東。三秦
可傳檄而定也。高祖大喜。自以為得信晚。遂部
署諸將。舉兵東出。魏王豹反漢。高祖乃以信為
左丞相。擊魏。魏盛兵蒲坂。以塞臨晉。信乃益為
疑兵。陳舩欲渡臨晉。而伏兵從夏陽。以木罌渡
軍。襲安邑。豹驚。引兵迎信。信遂虜豹。傳詣滎陽。
悉定魏地。信請兵三萬。願以北舉燕趙。東擊齊。
南絕楚糧道。西與大王會於滎陽。高祖與兵三

萬人遣張耳與俱進擊。破代兵，禽夏說。信耳以兵數萬東擊趙。趙聚兵井陘口。號二十萬。廣武君李左車謂陳餘曰：「信耳乘勝遠鬪，其鋒不可當。今井陘之道，車不得方軌，騎不得成列，其勢糧食必在後。願假臣奇兵三萬，從間道絕其輜重，足下深溝高壘，勿與戰。彼前不得鬪，退不得還，野無所掠，不十日而兩將之頭可致麾下。否則必為二子所禽矣。」餘常自稱義兵，不用詐謀奇計，不用左車策。信間視知之，大喜，乃敢遂下。未至井陘口，止舍。夜半傳發，選輕騎二千人，人持一赤幟，從間道，草山而望趙軍。戒曰：「趙空壁逐我，即疾入趙壁，拔趙幟，立漢幟。」令裨將傅餐曰：「今日破趙會食，乃使萬人先行，出背水陣。趙望見皆大笑。平旦，信建大將旗鼓，鼓行出井陘口。趙開壁擊之，大戰良久。於是信耳佯棄鼓旗，走水上軍。趙果空壁逐之。信所遣騎馳入趙壁，拔趙幟，立漢幟。水上軍皆殊死戰。趙軍已失信等，欲歸壁。見幟大驚，遂亂遁走。漢兵夾擊，大破

之。斬餘禽獸。信得左車師事之。問曰。僕欲北攻燕。東伐齊。若何而有功。左車曰。今為將軍計。莫如按甲休兵。鎮撫趙民。遣辨士奉咫尺書。燕必聽從。燕已從。而東臨齊。雖有智者。亦不知為齊計矣。信從其策。發使使燕。燕從風而靡。高祖既棄信耳軍。即命耳循行。備守趙地。拜信為相國。收趙兵未發者。擊齊。信引兵東。聞酈食其已說下齊。欲止。辨士蒯徹說信曰。將軍受詔擊齊。而漢獨發間使下齊。寧有詔止將軍乎。信然之。襲破齊。歷下軍。遂至臨菑。齊王走高密。信已定臨菑。遂東追齊王。羽使龍且將兵救齊。信擊殺龍且。虜齊王。盡定齊地。使人言於高祖曰。齊偽詐多變。反覆之國也。南邊楚。請為假王以鎮之。是時楚方急圍高祖於滎陽。使者至高祖。大怒。罵曰。吾困於此。且暮望而來佐我。乃欲自立為王。張良。陳平。躡高祖足。因附耳語曰。漢方不利。寧能禁信之自王乎。不如因而立之。使自為守。高祖亦寤。因復罵曰。大丈夫定諸侯。即為真王。

耳。何以假為。遣良立信為齊王。徵其兵使擊楚。高祖追羽至固陵。與信越期會擊楚。信越不至。楚擊漢軍大破之。高祖堅壁自守。謂良曰。諸侯不從。奈何。對曰。楚兵且破。二人未有分地。其不至固宜。今能取睢陽以北至穀城。皆以王彭越。從陳以東傅海。與齊王信。使各自為戰。則楚易破也。高祖從之。於是信越皆引兵來圍項王垓下。項王走自殺。觀其距蒯徹之

說迎高祖於陳。豈有反心哉。良由失職怏怏。遂

陷悖逆。距。拒也。悖。蒲沒切。亦逆也。夫以盧縮里閉舊恩。猶南

面王燕。縮。烏版切。閉。音翰。里。門曰閉。縮家與高祖同里。閉。縮。空。又與高祖同日。高祖寵

幸縮。群臣莫敢望。故特王之。信乃以列侯奉朝請。豈非高祖

亦有負於信哉。朝。馳遙切。春見。曰朝。秋見。曰請。臣以為高祖用

詐謀禽信於陳。言負則有之。雖然信亦有以取之也。始漢與楚相距滎陽。信滅齊不還報而自王。其後漢追楚至固陵。與信期共攻楚。而信不

至。

固陵。縣名。屬淮陽國。即固始。木名。寢丘。楚令尹孫叔敖所封。

當是之時高

祖固有取信之心矣。顧力不能耳。

顧。念也。一說。顧。反觀也。反。

已而自視其力有所不能也。

及天下已定。信復何恃哉。

復。扶又切。

夫乘時以徼利者。市井之志也。釀功而報德者。

士君子之心也。

徼。求也。釀。通作酬。報也。

信以市井之志利

其身。而以士君子之心望於人。不亦難哉。是故

太史公論之曰。

司馬談為太史令。子遷尊其父。故謂之公。遷繼其職。仍稱太史。

公著史記

假令韓信學道謙讓。不伐己功。不矜其能。

則庶幾裁於漢家勲。可以比周召太公之德。後

世血食矣。

令。平聲。幾。平聲。祭者尚血腥。故曰血食也。

不務出此。而天

下已集。乃謀畔逆。夷滅宗族。不亦宜乎。

畔。通作叛。

○

胡寅曰。功過當相準。信功不可忘也。

準。之尹切。平也。擬也。

迎陳之禮。可以贖自王之釁。拒徹之意。可以免

失期之罪。未有反計。則當俟以次國。逆謀既露。

猶當宥其子孫。

露。見也。宥。赦也。

如此則漢祖於記信之

功討信之罪。各盡其道而無負矣。

高祖已聞誅信使使拜丞相蕭何為相國。下使去聲。自丞

相進相國。則相國之位。專於丞相矣。益封五千戶。命卒五百人。一都

尉為相國衛。諸君皆賀。召平獨弔。謂何曰。禍自此

始矣。召。讀曰邵。姓也。召平者。故秦東陵侯。上暴露於外。而君守於內。

非被矢石之難。而益君封置衛者。以今者淮陰新

反於中。有疑君心。暴。音僕。日乾也。難。去聲。夫置衛衛君。非以

寵君也。恐其為變。故守衛之。願君讓封勿受。悉以家私財佐

軍。佐。助也。何從其計。高祖說。說。讀曰悅。高祖之擊豨也。徵

兵於梁。高祖立越為梁王。都定陶。梁王彭越稱病使將將兵詣

邯鄲。彭姓也。高祖怒使人讓之。讓責也。越恐欲自往謝

其將扈輒曰。扈音戶。姓也。王始不往見讓而往。往則為

禽矣。不如遂發兵反。越不聽。梁太僕得罪亡走漢

告越與輒謀反。太僕。秦官。掌輿馬。於是使使掩越囚之洛

陽。有司治反形已具。下使去聲。下並同。乘其不備而覆之曰掩。輒勸越反。而越

不誅輒。是反形已具也。高祖赦以為庶人。傳處蜀青衣。傳張戀切。

釋遊也。處昌呂切。下同。青衣縣名。屬蜀郡。西至鄭逢呂后從長安來。顏師

古曰鄭。即今華州鄭縣是也。越為呂后泣涕自言無罪願處故

昌邑。為去聲。昌邑縣屬山陽郡。越起於昌邑。呂后許諾與俱東至洛

陽。呂后白高祖曰：彭王壯士，今徙之蜀，此自遺患。

不如遂誅之。妾謹與俱來。遺留也。呂后乃令其舍人

告越復謀反。夷越三族梟越首洛陽下。舍人即越之舍人也。

復扶又切。下並同。梟音澆。縣首於木上也。詔有收視者輒捕之。梁大夫

欒布使於齊，還奏事，越頭下祠而哭之。吏捕以聞。

欒落官切。姓也。祠祭也。聞去聲。下同。高祖召布，罵欲烹之。方提趨湯

提舉也。趨讀曰趣。嚮也。布願曰：願一言而死。高祖

曰：何言？布曰：方上之困於彭城，敗滎陽，成臯間，項

王所以遂不能西者。徒以彭王居梁地。與漢合從。

苦楚也。

高祖入彭城。收其貨寶美人。日置酒高會。項羽聞之。自以精兵三萬人。至彭城。大破

漢軍於睢水。漢軍為楚所擠。率十餘萬人。皆入睢水。水為之不流。圍高祖三匝。會大風從西北起。折

木發屋。揚沙石。窈冥晝晦。楚軍大亂。壞散。高祖乃得與數十騎遁去。羽圍高祖於滎陽。益急。漢將軍

紀信曰。事急矣。臣請誑楚。乃乘王車。出東門曰。食盡。漢王降楚。楚皆之。城東觀。高祖乃令周苛守滎

陽。而與數十騎出西門去。入關。收兵。會彭越破楚軍。殺薛公。羽東擊越。高祖復軍成臯。羽既破越。還

拔滎陽及成臯。高祖逃去。北渡河。馳入趙壁。苦謂困苦之也。當是之時。王一顧

與楚則漢破。與漢則楚破。且垓下之會。微彭王。項

氏不亡。

微無也。

天下已定。彭王剖符受封。亦欲傳之。

萬世。今陛下徵兵於梁。彭王病不行。而陛下疑

以為反。反形未具。以苛小案誅滅之。臣恐功臣人

人自危也。

苛。細草也。以喻煩雜也。案。與按同。効也。

今彭王已死。臣生

不如死。請就烹。於是高祖乃釋布罪。拜為都尉。

釋。捨。

也。信死。淮南王黥布已心恐。

高祖更名九江為淮南王。立布為王。及

越誅醢其肉。以賜諸侯。使者至淮南。布方獵。見醢

因大恐。陰令人部聚兵。候伺旁郡警急。

恐被收捕。即欲發兵。

反也。旁。近也。

布所幸幸姬病。就醫。醫家與中大夫賁赫對

門。

大夫。掌論議。太中大夫。中大夫。諫大夫。皆無負。多至數十人。賁音肥。姓也。赫其名也。

赫乃

厚餽遺從姐飲醫家。餽與饋同。餉也。遺去聲。贈也。希疑其與亂。

欲捕赫。赫乘傳詣長安。土變言希謀反。有端可先

未發誅也。傳張應切。上上聲。下同。端緒也。猶言有由也。先未發誅謂及其未發兵。先誅伐

之高祖讀其書。語蕭相國。語音御。相國曰希不宜有

此。恐仇怨妄誣之。請繫赫使人微驗希。不宜有此。謂不應有

反謀也。惡讀曰冤。使如字。微驗謂不顯言其事。希見赫以罪亡土變。固已

疑其言國陰事。亡逃也。陰事謂陰謀之事也。漢使又來。頗有所

驗。遂族赫家。發兵反。使去聲。族謂誅及其族也。反書聞。高祖乃

赦赫。以為將軍。高祖召諸將問計。皆曰發兵擊之。

坑豎子耳。何能為乎。汝陰侯滕公召故楚令尹薛

公問之。汝陰縣名。屬汝南郡。滕公夏侯嬰也。初嬰為滕令奉車。故號滕公。封汝陰侯。令如字。

令尹官名。楚上卿執政者也。令尹曰。是固當反。滕公曰。上裂地

而封之。疏爵而王之。其反何也。上如字。疏分也。令尹曰。往

年殺彭越。前年殺韓信。此三人者。同功一體之人

也。自疑禍及身故反耳。往年與前年同耳。文相避也。滕公言之

高祖。高祖乃召見問薛公。薛公對曰。布反不足怪

也。使布出於上計。山東非漢之有也。出於中計。勝

敗之數。未可知也。出於下計。陛下安枕而卧矣。高

祖曰。何謂上計。對曰。東取吳。西取楚。并齊。取魯。傳

檄燕趙。固守其所。山東非漢之有也。吳謂荆王賈所封之地。楚

楚王交所封之地。齊齊王肥所封之地也。魯時入楚境。燕謂燕王盧綰所封之地。趙趙王如意所封

之地也。所何謂中計。東取吳。西取楚。并韓。取魏。據

處所也。教倉之粟。塞成臯之口。勝敗之數。未可知也。韓時以益

淮陽國。魏謂梁王友所封之地也。何謂下計。東取吳。西取下蔡。歸

重於越。身歸長沙。陛下安枕而卧。漢無事矣。丁蔡縣屬

沛郡。重輜重也。越會稽地。故越王勾踐之墟也。長沙吳芮所封國。時其子臣嗣封。黥布都六。阻淮為

固。故策其西取下蔡。東取劉賈。以據全淮。越在東南。故策其歸輜重於越。以自厚。為深固不可取之

計。布娶於長沙王。故策其身歸長沙也。

高祖曰。是計將安出。

將如字。安何也。

對曰。出下計。高祖曰。何為廢上中計。而出下計。對

曰。希故麗山之徒也。

麗與驪同。布初坐法黜論決。而徒役於驪山。

自致

萬乘之主。此皆為身。不顧後為百姓萬世慮者也。

故曰。出下計。

乘去聲。上為去聲。

高祖曰。善。封薛公千戶。於

是高祖自將兵而東。

將即亮切。下並同。

希之初反。謂其將

曰。上老矣。厭兵。必不能來。使諸將。諸將獨患淮陰

彭越。今皆已死。餘不足畏也。故遂反。果如薛公之

言。東擊荊。荊王賈走死富陵。

賈音古。下並同。富陵縣名。屬臨淮郡。盡

劫其兵。渡淮擊楚。楚發兵與戰。徐僮間為三軍。欲

以相救為奇。臨淮郡有徐縣僮縣。楚蓋發兵與布戰於二縣之間也。相如字。不聚一處

而分為三。欲互相救。出奇譎。或說楚將曰。說音稅。下同。布善用兵。民

素畏之。且兵法諸侯自戰其地為散地。孫子兵法之辭也。言

士卒近家。易以敗散之地也。今別為三。彼敗吾一軍。餘皆走。安

能相救。不聽。安何也。布果破其一軍。其二軍散走。布

遂引兵而西。高祖與布軍遇於鄆西。鄆音機。鄆縣屬沛郡。鄆西

鄆縣之西也。布兵精甚。高祖壁庸城。壁。軍壘也。以布軍銳甚。故堅壁以挫

之。庸城地名。必亦在鄆縣西。望布軍置陳如項籍軍。高祖惡之。

陳。讀曰陣。與布相望見。遂謂布曰。何苦而反。布曰。惡。去聲。

欲為帝耳。高祖怒罵之。遂大戰。布軍敗走渡淮。數

戰不利。與百餘人走江南。數音朔。下並同。高祖令別將追

之。令平聲。下並同。別將擊布軍洮水南北。皆大破之。洮音兆。洮

水在江南。布故與番君婚。番音婆。即故長沙王吳芮也。以故長沙成

王臣。使人誘布偽欲與亡走越。以故謂以此之故也。成謚也。臣芮之

子也。偽謂詐為此計也。布信而隨之。番陽人殺布茲鄉民田

舍。番陽縣屬豫章郡。茲鄉在鄣陽縣。一說據史記及漢書。皆言追斬布番陽。竊意茲鄉當在番陽

界。非鄣陽也。高祖數使使問相國何為。下使去聲。相去聲。下並同。問相

國何為。謂問其居。曰。為上在軍。拊循勉百姓。悉兩守何所營為也。

有佐軍。如陳豨時。為去聲。拊。通作撫。循。摩也。悉。盡也。盡所有糧食資用。出以佐軍。

也。客又說何曰。君滅族不久矣。夫君位為相國。功

第一。不可復加。然君初入關。本得百姓心。十餘年

矣。皆附君。尚復孳孳得民和。孳。與孜同。孜。孜。言不怠也。上所謂

數問君。畏君傾動關中。今君胡不多買田地。賤貫

資以自汙。上心必安。胡。何也。貫。始制切。賒也。資。音特。今作貸。從人借物也。汙。穢

也。於是其計。高祖乃大說。說。讀曰悅。高祖罷布軍

歸。民道遮行。上書言。相國彊賤買民田宅數千人。

道遮行。謂在道上遮天子行也。高祖至。何謁高祖。上。上聲。下同。彊其兩切。數如字。

笑曰。今相國迺利民。民所上書皆以與何。曰。君自

謝民。謂相國取人田宅以為己利。故云。迺利民也。所以令相國自謝之。後何為民

請曰。為去聲。長安地陘。上林中多空地棄。陘與狹同。上如字。上

林苑名。在漢長安縣西南。秦始皇起上林苑。願命民多空地棄。謂多有空隙之地。捐棄無用。

得入田。毋收橐。為禽獸食。橐。工老切。禾稈也。苗子還種田人。使留橐入官

以飼獸。盖苑中養天下百獸。以供秋冬射獵取之。高祖大怒曰。相國多受

賈人財物。為請吾苑。為去聲。下同。乃下何廷尉械繫之。

下。去聲。廷尉。官名。聽獄必質諸朝廷。與眾共之。兵獄同制。故稱廷尉。一說。廷。平也。治獄貴平。故以為

號
焉數日王衛尉侍。王。姓也。史失其名。衛尉寺。在宮內。掌宮門衛屯兵。侍。謂侍天子

也前問曰。相國胡大罪。陛下繫之暴也。前問。謂進而請之也。

也。胡。侍高祖曰。吾聞李斯相。秦皇帝有善歸主。有惡

自予。子。通作與今相國多受賈豎金。為請吾苑。以自媚

於民。故繫治之。媚。愛也。謂求愛於民也。主衛尉曰。夫職事苟

有便於民而請之。真宰相事也。陛下奈何乃疑相

國受賈民錢乎。且陛下距楚數歲。陳豨黥布反時。

陛下自將往。當是時。相國守關中。關中搖足。則關

以西非陛下有也。相國不以此時為利。乃利賈人

之金乎。為如字。且秦以不聞其過亡天下。夫李斯之

分過又何足法哉。陛下何疑宰相之淺也。高祖不

懌。淺謂用意淺也。懌悅也。感衛尉之言。故慚悔而不悅也。是日使使持節赦

出何。下使去聲。何年老素恭謹。徒跣入謝。高祖曰。相國

休矣。休者令出外自休息。相國為民請吾苑。不許。為去聲。我不

過為桀紂主。而相國為賢相。吾故繫相國。欲令百

姓聞吾過。

唐太宗曰。漢高祖能將將。將並即亮切。下同。高祖嘗從容與韓信。

言諸將能將兵多少。高祖問曰。如我能將幾何。信曰。陛下不過能將十萬。高祖曰。於君何如。曰。

臣多多而益善耳。高祖笑曰：「多多益善，何為為我禽？」信曰：「陛下不能將兵，而善將將，此乃信之所以為陛下禽也。其後韓彭見誅，蕭何下獄，何故如此？」

下。去。李靖曰：「臣觀劉項皆非將將之君。」劉項謂高祖及

項羽也。當秦之亡也，張良本為韓報韓仇。為去聲。良家世

相韓及韓滅。不愛萬金之資。陳平韓信皆怨楚為韓報讎，疆秦天下振動。

不用。故倣漢之勢，自為奮爾。殺王司馬印叛楚。項羽以平為信武

君。往擊殷降而還。羽拜平為都尉。居無何。漢攻下殷。羽怒。將誅定殷者。平懼間行。杖劍亡度河。

遂降漢。信初屬羽。為郎中。信數以策干羽。羽不用。高祖之入蜀。信亡楚歸漢。至於蕭

曹樊灌悉由亡命。蕭蕭何曹參樊樊噲灌灌嬰也。高祖因之。

以得天下。設使六國之後復立。人人各懷其舊。

則雖有能將將之才。豈為漢用哉。六國謂燕趙韓魏齊楚也。

復扶又切臣謂漢得天下。由張良借箸之謀。蕭何漕

輓之功也。借箸。求借所食之箸。用以指畫也。楚

食其謀撓楚權。食其曰。陛下誠能復立六國之

後。德義已行。楚必歛衽而朝。高祖曰。善。趣刻印。

先生因行佩之。食其未行。張良從外來謁。高祖

方食曰。客有為我計撓楚權者。具以酈生語告

良。良曰。誰為陛下畫此計者。陛下事去矣。高祖

曰。何哉。對曰。臣請借前箸為大王籌之。昔湯武

封桀紂之後者。度能制其死生之命也。今大王

能制項籍之死命乎。武王入殷。發粟散錢。偃革

為軒。休馬。放牛。示不復用。今大王能之乎。且天

下游士。離親戚。棄墳墓。從大王遊者。徒欲望咫尺

尺之地。今復立六國後。游士各歸事其主。大王誰與取天下乎。且夫楚唯無彊。六國復撓而從之。大王焉得而臣之。誠用客謀。大事去矣。高祖輟食吐哺。罵曰。豎儒幾敗乃公事。令趣銷印。水運曰。漕輓音晚。引車也。陸運曰。輓高祖與諸侯擊楚。何守關中。轉漕給軍。不絕糧道。以此言之。韓彭見誅。范增不用。其事同也。項羽尊范增為亞父。

羽使使至漢。陳平使為太宰。具舉進。見楚使即佯驚曰。吾以為亞父使。乃項王使。復持去。更以惡草具進。楚使歸。具以報羽。羽果大疑亞父。亞父欲急攻下滎陽城。羽不聽。亞父聞羽疑之。乃怒曰。天下事大定矣。君王自為之。願請骸骨歸。未至彭城。疽發背而死。臣故謂劉

項皆非將將之君。太宗曰。光武中興。能保全

臣。不任以吏事。此則善於將將乎。中。去聲。或如字。鄧禹。賈復。

知光武偃干戈修文德。不欲功臣擁衆京師。乃去甲兵。敦儒學。光武亦思念欲完功臣爵土。不

命以吏職為過。遂罷左右將軍官。耿弇等亦土大將軍印綬。皆以列侯就第。加位特進。奉朝請。

先武雖制御功臣。而每能回容。宥其小失。遠方貢珍甘。必先徧賜諸侯。而太官無餘。故皆保其

福祿。無誅譴者。靖曰。先武雖藉前構。易於成功。藉。慈夜切。憑藉

也。搆。居候切。成也。易。弋豉切。

然莽勢不下於項籍。寇鄧未越

於蕭張。

莽。王曼子也。匿情求名。繼四父而輔政。遂移漢祚。改國號曰新。下去聲。寇。寇恂。

鄧。鄧禹也。越。過也。

獨能推赤心。用柔治。保全功臣。賢於

高祖遠矣。

光武追擊銅馬。悉破降之。封其渠帥為列侯。諸將未能信。賊降者亦不自

安。先武知其意。敕命降者。各歸營勒兵。自乘輕騎。按行部陳。降者更相語曰。蕭王推赤心置人

腹中安得不投死乎。由是皆服。以此論將將之道。臣謂先武得

之

太祖開國之初。首置功臣都監。褒賞之典。悉令舉

行。功臣都監判官二人。秩從八品。錄事二人。從九品。我殿下十六年。改為忠勳司。丞一人。從八

品。錄事一人。從九品。令平聲。立碑以紀其功。建長生殿以圖其

形。長生殿在京城北部。通明坊。錫之土田。臧獲三代祖考。並加

追贈。其父母妻。超三等封。贈給祿。獲胡陌切。臧獲奴婢也。方言。荆

淮海岱之間。罵奴曰臧。罵婢曰獲。燕之北郊。民而壻婢。謂之臧。女而婦奴。謂之獲也。生曰封。死曰贈。

直子超三等授職。無直子則甥姪女壻。超二等錄

用。甥。師庚切。姊妹之子曰甥。兄弟之子曰姪。錄。采錄也。嫡長則世襲不失其

祿。子孫雖有罪犯宥及永世。載諸信書以賜之。信

任以事無所疑貳。長上聲。或於燕閒之暇與之擊毬

內庭。或數與宴饗。功臣等亦數享。上歡洽之情。

上下無間。親若父子。燕。伊甸切。安也。閒。通作閑。擊毬之法。或數人。或十餘人。或

數十人。分左右。以較勝負。棒形如匙。大如掌。用水牛皮為之。以厚竹合而為柄。棒皮薄則毬高起。厚

則毬不高起。又有漆棒。所擊之毬。輪而不起。隨其厚薄大小。厥名各異。毬用木為之。或用礪砢。大如

雞卵。掘地如碗。名窩兒。或隔殿閣而作窩。或於階上作窩。或於平地作窩。毬行或騰越。或斜起。或輪

轉。各隨窩所在之宜。一擊入窩。則得算一。一擊不入。隨毬所止。再三擊之而入。則得算一。一擊而入。

則他毬不得再擊而死。再擊而入。則他毬不得三擊而死。此後同。一擊之毬。雖與他毬相觸而不死。再擊之毬。與他毬相觸則死。此後亦同。或立而擊。或跪而擊。節目甚多。數音朔。下同。饗與享同。奉上之謂享。有疾病則遣醫治療。使人存問。相屬不絕。間。去聲。存。省視也。屬。音燭。於其卒也。或至親臨殯。歎悲慟。殊甚。

召予主喪者。恤奠賻贈。恩數優隆。

殯。必切。最塗。曰殯。將遷葬以。

賓。過之也。次。位次也。奠。置祭也。賻。符過切。助也。所以贈終。禮起。車馬曰賻。布帛曰賻。珠玉曰舍。衣服

曰襚。摠謂之贈。

功臣雖有罪。必曲原之。終

太祖之世。功

臣無一誅死者。推恩始終。保全功臣。古未有也。

曲。委。

曲也。原。免也。

○左侍中裴克廉。右侍中趙浚。門下侍郎

賈成事金士衡鄭道傳判中樞院事南閭等啓曰。

王子諸君服御騶澁不可不備用度不宜不足乞

於本科外加賜土田。騶留尤切。厩御也。從才用切。科品也。太祖從

容語潛邸時事因曰本科百餘結亦不至飢寒。

若又加給則人必謂予私已子也况京畿土田有

數豈可濫給。從七恭切。從容和緩貌。語音御。卿等若欲加給則於

功臣先行加給以例及之乃可徒以王子言之則

不可閭曰諸功臣等科田外既蒙賜田王子加

給豈為不可太祖目閭曰謂予賜田功臣亦賜

諸子耶。既而授容曰。今功臣賜田。宜擇給膏腴之

地。○大司憲南在等上言。上。上聲。祿者。古先哲王所

以養士大夫之供職事者也。今功臣之母及妻。封

宅主者。亦許食祿。殿下待功臣之意。則厚矣。然

一家之內。並受天祿。不合於義。乞上女宮主。

王子翁主外。翁主宅主。母令給祿。國初。王子之妻。封翁主。雖非

王子之妻。亦或封翁主。太祖曰。開國功臣父母妻。既於錄

券封爵。有爵無祿。可乎。券。區願切。契也。○命都承旨韓尚

敬傳。旨于都評議使司曰。本朝。恭靖王二年。改中樞院承旨。為承

政院承旨。太宗元年。改承旨為承樞府代官。都承旨為知申事。承宣房稱代官。置印信。後以代官司為承政院。又增置同副代官一人。我下十五年。復改知申事為都承旨。代官為承旨。殿王

氏絕祀。天乃俾予肇造邦家。實為斯民也。若不敬

天勤民。天之降殃必矣。

絕祀。絕其祀也。俾。使也。為。去聲。殃。於良切。禍也。

自

古以來。世之所以未治者。君臣未得相遇也。予雖

否德。每謂卿等應時而出。為我股肱。以創大業。宜

與夙夜厲精。以答天意。

治。去聲。下同。否。不通。前。予。漢梅福傳曰。厲志竭精。

予

因老病。倦於聽斷。但保卿等耳。願治之心。豈敢忘

於須臾。卿等宜各盡心。以補不逮。

倦。渠卷切。疲也。厭也。須臾。不久。

貌不逮。侍中趙浚、金士衡等感泣而對曰：臣等俱不及也。

以庸愚獲遭聖上，敢不盡竭心力以補萬一。

言萬分之一 ○殿中卿卞仲良與兵曹正卿李奮言曰：

奮，鳥外切。自古政權兵權不可兼任一人。兵權宜在宗

室，政權宜在宰輔。今趙浚、鄭道、傅南閭等既掌兵

權，又掌政權，實為不可。仲良以此言於義安君和

和告于太祖。太祖召仲良問之。仲良對以實。

太祖怒曰：此數人皆我股肱之臣，終始一心者也。

如或可疑，則誰可信者？為此言者必有以也。

以他故也。

即命大司憲朴經巡軍萬戶李稷等鞫之流仲

夏于寧海蒼于順天皆削職源遣之遠去如水之流也寧海本高句麗

于尸郡新羅改為有鄰郡高麗改為禮州顯宗置防禦使高宗陞為德原小都護府後又陞為禮州

牧忠宣工汰諸牧時改為寧海府才朝太祖六年始置鎮兵馬使兼府使太宗一三年改為

都護府別號丹陽今屬慶尚道順天本百濟故平郡或稱武平新羅改昇平郡高麗成宗新定十道

時為昇州充海軍節度使靖宗復為昇平郡忠宣王陞為昇州牧後降為順天府本朝因之太

宗十三年改為都護府別號平陽其山鎮曰麟蹄今屬全羅道○太祖置酒新宮

涼廳新宮即今景福宮也涼廳故基在宮城北苑內南陽君洪永通昌寧

府院君成汝完與焉潛郎故人也南陽本高句麗唐城縣新

羅改為唐恩郡。高顯復為唐城縣。顯宗屬水州任
內。後移屬仁州。明宗始置監務。忠烈主以縣人洪
茶丘。仕元為征東行省右丞。陞為知益州事。後又
陞為江寧都護府。又陞為益州牧。忠宣王汰諸牧
時。降為南陽府。本朝因之。太宗十三年。改為都護府。今屬京畿道。與讀曰預。判三司

事鄭道傳賦詩以獻。禁院春深花正繁。為招耆舊

置金樽。為去聲。天工忽放知時雨。天工。天之工也。杜甫詩曰。好雨知時

節便覺渾身雨露恩。○庚申夜。道家云。三尸神在人身中。上尸

名彭躡。中尸名彭躡。下尸名彭躡。一云。上尸名青

姑。好伐人目。中尸名白姑。好伐人五臟。下尸名血

姑。好伐人胃命。一居人頭。能令人多思欲。好車馬。
一居人腸。能令人嗜飲食。好恚怒。多忘少氣。一居
人足。能令人耽色慾。喜殺害。關節搔擾。五臟踴動。
三尸伺人隱微失誤。輒籍記。每至庚申日。幸其人

之昏睡。與身中七魄。主詣天曹。言罪過以求饗。以是人多謫過。疾癘夭死。修真之人。當先絕去。三守庚申。三尸伏。七守庚申。三尸滅。守者不寐也。不欲三尸得以言其過也。國俗自古每當歲終庚申之夜。必會守懽宴。雖因道家之說。實取月令。季冬命樂師。大合吹而罷之。義也。故三時庚申。皆不守也。

太祖召判三司事鄭道傳等諸勲臣。置酒張樂。酒

酣。太祖謂道傳曰。寡人之得至於此。卿等之力

也。相與敬慎。期至子孫萬世可也。道傳對曰。齊桓

公問於鮑叔曰。何以治國。鮑叔曰。願公無忘在莒

時。願仲父無忘在檻車時。鮑。部巧切。姓也。莒。苟許切。國名。桓公奔莒。鮑叔

傅之。子糾奔魯。管仲傅之。及襄公卒。齊人召桓公。魯人亦送子糾。而使管仲將兵遮莒道。射中桓公。

帶鉤。後魯桓楛管仲。送之於齊。桓公因鮑叔薦而相之。桓公與管仲飲酒。管仲土壽曰。願君無忘出奔於莒也。臣亦無忘束縛於魯也。說苑。管仲束縛膠目。居檻車中。臣願殿下無

忘墜馬時。臣亦無忘鎖項時。則子孫萬世可期矣。

太相墜馬事。見上第十二章。道傳嘗因繫甫州。云鎖項。蓋謂此時。

太相曰。然使

人歌文德曲。目道傳曰。此卿所撰進。卿宜起舞。

道傳即起舞。太祖命脫上衣以舞。遂賜龜甲裘。

歡甚徹夜乃罷。文德曲。美文德也。道傳製此曲。并小序以進曰。殿下初即位。立經

陳紀。與民更始。可頌者多矣。舉其大者。作開言路。保功臣。正經界。定禮樂。其詞曰。法宮有嚴深九

重。一日萬機紛其業。君王要得民情通。大開言路。達四聰。開言路臣所見。我后之德與舜同。

聖人受命乘飛龍。多士競起如雲從。騁謀效力咸厥功。擢以山河保始終。保切臣臣所見。我后之德垂無窮。經界毀矣久不修。強并弱削相魚然。我后正之期甫周。倉廩充富民息休。正經界臣所見。丞我樂愷。享千秋。為政之要在禮樂。近自閨門達邦國。我后定之垂典則。秩然以序和以懌。定禮樂臣所見。功成治定配無極。令平聲。龜甲裘。以貂鼠皮裁之。黑白相間為之。其文猶龜甲然。故名之。

○奉常寺議雞林君鄭熙啓謚曰安煬安荒安

感報于禮曹

本朝太祖元年定官制奉常寺判事秩正三品卿從三品少卿正四品

丞從五品博士正六品協律郎正七品大祝正八品錄事正九品太宗元年改博士為注簿又以

卿為令少卿為副令丞為判官九年改為典祀寺十四年改令為尹副令為少尹我殿下二年復稱奉常寺掌供粢盛拒鬯籩豆及祭服樂器贈謚等事謚時吏切誅行立號以易名也自周公始也

謚法。好和不爭曰安。好內遠禮曰禮。曹傳報門下。揚。好樂怠政曰荒。滿志多窮曰惑。

府。府具本取旨。本。即今之啓本也。太祖召定謚奉常博

士崔蠲。問曰。蠲。圭。玄切。熙啓元勳也。贈謚何若是其甚

耶。且但論其過。不舉其功何耶。即下巡軍獄鞫之。

下。去聲。又囚奉常少卿安省。寺丞金汾。大祝韓臯。協

律郎閔審言。錄事李士澄。於是刑曹劾散騎常侍

全伯英。李滉等。騎。去聲。滉。戶廣切。又劾禮曹議郎孟思誠。

佐郎趙士秀。以不駁奉常寺贈謚之誤也。駁。北角切。異也。

立異議以糾駁衆議之非。言其執議不同。如色之間雜也。命杖蠲一百徒于

金海。徒奴也。蓋奴辱之也。金海本駕洛國。後漢光武建武十八年。駕洛之長我刀干。汝刀干。彼

刀干等九人。率其民禊飲。望見龜旨峯。有非常聲氣。就視之。有金榼自天而降。中有金色卵。圓如日

輪。九人拜而神之。奉置我刀干家。翼日九人咸會。開榼而視。有一童子剖殼而生。年可十五。容貌甚

偉。衆皆拜賀。盡禮。童子日岐巖。歷十餘日。身長九尺。九人遂奉以為主。即首露王也。國號駕洛。又稱

伽倻。後改為金官國。其國東至黃山江。東北至伽倻山。西南際大海。西北界智異山。在位一百五十

八年。以獻帝建安四年薨。至九代孫仇亥王。降于新羅。新羅法興王待以客禮。以其國為食邑。號金

官郡。文武王始置金官小京。景德王改為金海小京。高麗太祖改金海府。後降為臨海縣。又陞為郡。

成宗改金州。安東都護府。顯宗降為金州。防禦使。元宗陞為金寧都護府。忠烈王陞為金州牧。忠宣

王汰諸牧時。復為金海府。本朝因之。太宗十三年。改為都護府。別號益城。其山鎮曰益山。今屬

慶尚道 杖省等有差。流省于丑山。汾于角山。審言于

順天。士澄于康州。丑山島在慶尚道寧海府東十五里海中。角山鄉在晉州南三十

十里海邊。康州即晉州也。伯英、滉、思誠、士秀等俱罷職。更謚熙

啓曰：良景謚法。温良好樂曰良。由義而濟曰景。○遣中樞院副使辛

克恭為東北面都宣慰使。以書賜衣酒于都宣

撫巡察使鄭道傳。使去聲。下並同。宣慰使若外方有大臣當勞問者。遣大臣以慰

之。宣撫巡察使亦不常置。四方有事。則差大臣使為之。其書曰：相別日久。思

想殊深。欲遣辛中樞往問行役。役亦行也。崔兢適來備

知動止。稍自慰解。時道傳為宣撫使。往定州府郡縣之名。兢為從事官。道傳遣兢

詣京以事聞也。動止猶言起居。茲將襦衣一領以備風露。領納為

幸。將持也。襦，汝朱切。李參贊李節制使處俱寄襦領納之領，謂受也。

衣各一領。初以參贊門下府事李之蘭為都兵馬使。僉節制使李原景為兵馬使。副道傅

以行。高麗恭讓王省五軍為三軍都摠制府。本朝太祖二年改為義興三軍府。摠掌中外軍馬

事。領府事一人。判府事一人。判三司事以上兼之。知府事一人。中樞以上兼之。中左右軍節制使各

二人。宗室省宰兼之。同知節制使各二人。中樞兼之。僉節制使各二人。正三品為之。恭靖王二年。

罷中樞合三軍府為祿官。太宗元年改義興三軍府為承樞府。稱承樞府某軍摠制。以掌軍政。三

年。三軍各設都摠制府。置都摠制一人。摠制二人。同知摠制二人。僉摠制二人。不係於承樞府。軍務

依舊統焉。五年革承樞府歸之兵曹。八年復置掌軍摠制。九年增置義興府。兼判事。知事。同知事。各

一人。十二年。罷義興府。復令兵曹掌軍政。十五年。加設三軍總制各一人。同知總制各二人。僉總制各一人。我。殿下十四年。罷三軍總制府。置中樞院。判府事三人。秩從一品。院使。知院事。各三人。正二品。同知院事。副使八人。從二品。僉知院事六人。正三品。十六年。增置僉知院事四人。十八年。置領院事一人。正一品。幸說與眷戀之意。餘在幸中樞。春寒若

時自保。以既邊功不具。

松軒居士書

眷顧。戀慕。若順。既盡。

也。太祖用潛邸時。軒號稱為松軒居士。

○太祖幸平州溫泉。至所磨

洞

駐駕

平州。本高句麗大谷郡。或稱多知忽。新羅改為永豐郡。高麗改平州。成宗

置防禦使。顯宗定為知州事。

本朝。太宗十三

年。改為平山郡。十五年。陞為都護府。別號延德。或

稱東陽。今屬黃海道。溫泉。在府南五十五里。所磨洞。在京畿積城縣之南。紺嶽之西。距縣五里許。時

太祖幸檜巖寺。遂經
由此洞。幸平州也。

與右政丞金士衡宜城君南

閔論潛邸相得之情。及開國勤勞之事。酒杯相屬。

親如舊時

宜城本新羅韓含縣。景德王改宜寧。為咸安郡領縣。高麗顯宗屬晉州。任內恭

讓王始置監務。以新繁縣屬之。今為縣監。別號宜春。屬慶尚道。屬音燭。

○監察金扶

與監察皇甫瑛

瑛他典切

飲酒於新監察金仲誠家。過

左政丞趙浚第曰。雖作大家。何能久居。後必為他

人有矣。瑛聞之。說與注簿李養修。養修言於成均

樂正金汾。汾浚之門人。以告浚。浚聞于

太祖。門人。

猶稱門生也。聞去聲。

太祖怒曰。浚開國元勳。與國同休戚。

扶以浚為不久。是以朝鮮社稷為不久也。命璵

置極刑。朝。馳。送。切。下。同。亟。紀。力。切。以璵養修不直告於朝。杖璵

答養修。罷監察同扶飲酒者十八人。

右第七十八章

始終이다르심시. 功臣이疑心호니. 定鼎無幾예. 功

이그츠리이다. 幾. 居. 豈. 切. 下同

始終이그트심시. 功臣이忠心이니. 傳祚萬世예. 功

이그츠리잇가

始終有異. 功臣疑惑. 定鼎無幾. 遂絕其績.

始終如一。功臣忠勤。傳祚萬世。豈絕其勲。

始終有異事。見上。上。第十七章也。

始終如一事。見上。上。第十七章也。

若第七十九章。此章承上章而反覆歌詠之也。

武功。猷。아니。為。하。샤。신。비。돌。아。르。심。씨。鼎峙之業。

세.시.니.이.다.為。去聲。下同。峙。丈里切。通作峙。峙。鼎峙。言漢魏吳三國鼎足而立也。

討賊。이.겨.를.업.스.샤.디.션.비.돌.두.스.실.씨.太平之業。

이.빛.나.시.니.이다.

匪直為武。且識儒生。鼎峙之業。肆克樹成。真。但也。樹。立也。

不遑討賊。且愛儒士。太平之業。肆其光燁。遑。胡光切。不遑。暇也。

討賊。言急於討賊。不暇他事也。燁。羽鬼切。盛貌。

蜀先主言。吾周旋陳元方。鄭康成間。每見啓告。治

亂之道悉矣。周旋。周回旋轉也。元方。紀字。康成。玄字也。

太祖素重經術。雖在軍旅。每投戈之隙。引名儒商

榘經史。或至夜分不寐。素。故。投。棄。商。度也。榘。古嘗。嶽切。舉其略也。分。半也。

征兀刺。事見上第。三十九章。聞毀垣中有哭聲。使人就視。有

一人裸立掩泣。裸。魯果切。赤體也。掩泣。掩面而泣也。執以問。乃曰。我

元朝狀元拜住也。貴國李仁復。吾同年也。朝。馳遙切。及第。

第一人稱獨狀元。第二人為榜眼。第三人為探花。稱同榜人曰同年。仁復中元順帝至正辛巳制科。

太祖一聞狀元之語。即解衣衣之。與馬騎之。遂與

俱來。既下衣於高麗恭愍王拜拜住為判司農寺事。

賜姓名韓復。舉子多以程文就正。舉子習應舉之業者也。程文應

舉程式之文也

高麗辛昌教有曰。卿性行淑均。局量寬洪。行

孟切。淑善。均平也。讀書不倦。事必師古。古古訓也。古訓者古先聖王之

訓。載修身治天下之道。二典三謨之類是也。

若第八十章

千金。言。아니。앗。기。사。를。冊。을。求。하。시。니。經。世。度。量。이
크。시。니。이。다。

聖性。言。아。니。미。드。샤。學。問。이。기。프。시。니。創。業。規。模。一

머。르。시。니。이。다。規。正。圓。之。器。也。模。通。作。摹。規。倣。也。取。喻。規。摹。謂。立。制。垂。範。也。

不吝千金。曲籍是索。經世度量。是用恢廓。典。常。也。以。其。所。載。之。

事。可。為。常。法。也。籍。經。籍。也。索。求。也。恢。皆。灰。切。恢。廓。廣。大。貌。

不矜。聖性學問。是邃。創業規模。是用遠大。邃。雖。邃。切。深。遠。

也

宋太祖性嚴重寡言獨喜觀書雖在軍中手不釋

卷聞人間有奇書不吝千金購之。釋捨也。卷書卷也。購居候切。以

財有所求也從周世宗幸淮甸。或譖於世宗曰。趙匡胤

下壽州。私所載凡數車。皆重貨也。匡胤宋太祖名也。下。去聲。下壽

州事。見上第二十章。金玉曰貨。世宗遣使驗之。盡發籠篋。唯書

數千卷。無他物。使。去聲。籠。力董切。竹器也。篋。口叶切。箱也。世宗亟召謂

曰。卿方為朕作將帥。闢封疆。當務堅甲利兵。何用

書為。亟。紀力切。急也。為。去聲。將。即亮切。太祖頓首曰。臣無奇謀上

贊聖德。濫膺委任。常恐不迨。所以聚書欲廣聞見。

增智慮也。世宗曰。善。迨。及也。

太祖豁達濟時之量。仁厚好生之德。出於天性。勲

庸焯赫。愈益謙恭。豁。呼枯切。疏通也。好。去聲。書曰。好生之德。洽于民心。勲。功也。民

功曰庸。焯。齒善切。光明貌。赫。盛貌。且素重儒術。視事餘暇常與

儒劉敬等覽觀經史。樂而忘倦。慨然有挽回世道

之志。樂。音洛。嘗以家門未有業儒者為嫌。令太

宗就學。凡所攻治者。皆曰業。業。儒謂以儒為業也。令。平聲。下並同。太宗惟日

孜孜讀書不倦。太祖嘗謂曰。成吾志者必汝也。

孜。津之切。孜孜者。勉力不怠之謂也。神德王后每聞太宗讀書

聲。嘆曰。何不為吾出乎。出。生也。辛禡時。太宗登第。

太祖拜謝闕庭感極流涕。漢之取士其射策中者謂之登第亦謂之及第。

言其文學及等第也。太宗中洪武癸亥科第及拜提學。洪武壬申拜密直提學

太祖甚喜令人讀官教至于再三。官教即告身也太祖

每宴會賓客令太宗聯句。輒謂曰。我之與客懽

娛汝力居多。自漢武為栢梁詩使群臣作七言始有聯句體。梁何遜集多有其格。唐文

士為之者亦衆。凡聯一句或二句亦有對一句出一句者太宗成就聖德雖

自天性實由太祖勸學之勤也

名第八十一章

허근선비를보시고御座애니르시니敬儒之心이

잇다하시니

늘근선비들을보시고禮貌로스르시니右文之德이

잇다하시니禮貌致敬以有禮也人道尚右以古為尊故尊文曰右文尊武曰右武莫能尚

者亦曰無出其右

引見小儒御座遽起敬儒之心云如何已已語終辭

接見老儒禮貌以跪右文之德云如何已

高麗忠烈王遣世子如元忠烈王尚元世祖女齊國大長公主生子璋為

世子是為忠宣王也如往也政堂文學鄭可臣禮賓尹閔漬等

從行漬疾智切一日世祖引見世子于便殿隱几

而卧。問爾讀何書。便讀如字。隱憑也。依也。對曰。有

師儒鄭可臣。閔漬在此宿衛之暇。時從質問孝經

論孟。質正也。世祖大悅。試喚可臣來。喚呼玩切。呼也。世子引

與俱入。遽起而冠。責曰。爾雖世子。吾甥也。彼雖陪

臣。儒者也。何得令我不冠以見。外孫曰甥。陪重也。諸侯之臣。於天子

為陪臣。大夫之家臣。於諸侯為陪臣。令平聲。仍賜坐。問本國世代相傳

之序。理亂之迹。風俗之宜。自辰至未。聽之不倦。其

後命公卿議。征交趾。有詔高麗世子之師二人。召

與同議。趾。諸市切。足也。交趾。唐安南之地。南方夷人。其足大指開廣。若並足而立。其指交。故

名交

二人議曰。交趾遠夷。勞師致討。不如遣使招

來。如其執迷不服。聲罪征之。一舉可以萬全。對稱

旨。使去聲。迷惑也。稱去聲。愜也。

於是授可臣翰林學士。嘉議大

夫。清直學士。朝列大夫。

朝馳遠切。元制。翰林院。學士。二負。直學士。三負。嘉議

大夫。正三品。朝列大夫。從四品也。

高麗恭讓王時。韓山君李穡。奉召自貶所。還京。謁

太祖于邸。

穡嘗坐彛初事。流徙韓山。

太祖驚喜。迎之上座。跪

進酒。請穡立飲。穡不讓。極歡而罷。人皆非穡之不

讓。上座。尊處也。

右第八十二章

君位를 보미라 호씨를 명을 알외오리라 만물우히
金塔이 소스니

자호로制度 날씨仁政을 맛도리라 하늘우히金

尺이니 리시니 孟子曰。行仁政而
至。莫之能禦也

位曰大寶天命將告肆維海上迺湧金塔 易曰。聖人
之大寶曰

位。告。姑。况
切肆。故也

尺生制度仁政將託肆維天上迺降金尺

高麗太祖未即位時夢見九層金塔立海中自登

其上

尺生制度事見上

上第十
三章也

若第八十三章

남그미賢 커스마로太子를 문인기 계신 기호는
나라서 니이다

나라히오라건마로天命이다 아관시 인문은 기 새
눈다 나 이다

維帝雖賢靡有太子時維僵柳忽焉自起

維邦雖舊將失天命時維枯樹茂焉復盛

茂房廢切
葉盛貌復

扶又切

漢昭帝之時泰山有大石自起立

昭帝名弗陵武帝少子也昭帝

元鳳三年泰山萊蕪山南有石如人聲民觀之。大石自立。高丈五尺。大四十八圍。三石為足。

上林有柳樹枯僵自起生

自起生。謂樹枯死僵。符。卧在地者。亦自立生。

節令睦弘曰

符節令。主符節。屬少府。睦音維。姓也。弘名也。

石柳陰類下

民之象。今大石自立。僵柳復起。非人力所為。此當

有從。匹夫為天子者。

復扶。又切。

後五年昭帝崩無嗣。宣

帝興於民間即位

宣帝名病已。武帝之曾孫。史。皇。孫之子也。生數月。遭巫蠱事。依。

祖母家史氏。及昌邑王廢。霍光等迎入即帝位。更名詢。

識文... 나랏일을... 天

不覺方面... 天

維天之心誰改誰易律以律切助語也

未曉識文... 帝之衷誰誘誰導曉知也衷

中也左傳曰天誘其衷註上天誘掖中心

周世宗自伐遼還在道閱四方文書得韋囊中有

木三尺餘題曰黠檢作天子閱察也皮柔熟為韋囊橐也題書題也

時張永德為黠檢永德周懿親有功懿美也永德周太祖壻也

世宗疑之遂以宋太祖代永德世宗每見臣下有

方面大耳者必殺之。而太祖為黜檢日侍傍而不
之覺

圖識有早明之文。人莫喻其義。喻。曉也。天子特

命改國號曰朝鮮。朝。馳遙切。朝鮮。有朝日鮮明之意。是合於早明之識焉。

右第八十五章

여섯들이다. 명다. 소가마고디고. 빗는다. 남을. 라. 가

마시니

石壁에 수 멧던네. 빛을 아나라. 도하. 남. 북. 남. 수. 모. 민.

수. 모. 민

六麋斃号五鴉落号于彼横木又飛越号

巖石所匿古書縱激雖天之意孰不之知微無也言雖無置於

巖石之古書孰不知上天眷命之意也

斃六麋事見上上第二十章也○太祖少時定安翁主

金氏見墻頭五鴉請射之少詩照切射食亦切太祖一發

五鴉頭皆落金氏異之謂太祖曰慎勿洩此事

○太祖與李豆蘭並逐一鹿忽遇僵樹當前鹿從

樹下走豆蘭勒馬迴去勒抑也太祖超踰樹上馬

出其下即及騎追射獲之射食亦切豆蘭驚歎曰公

天才非人力所及。○高麗恭讓王時。太祖獵于

臨江華藏山。臨江縣本高勾麗獐項縣新羅改臨江為牛峰郡領縣。

湍任內為尚

讓王元年始置監務。本朝太宗十四年革縣

合于長湍號長臨縣尋復置臨江縣監今屬

京畿道華藏山在臨江縣之西五十餘里。逐鹿

至絕壁高數十尺其勢敵仄人不能下。敵居宜切仄札色切。

皆傾也。下。去聲。下並同。

鹿滑下。太祖策馬亦打滑而下。至

底馬蹶未起。滑戶八切。底典禮切。蹶居月切。跌也。太祖即射鹿

而斃之。射食亦切。○太祖在潛邸有僧踵門獻異書云。

得之智異山巖石之中。踵之隴切。踵門足至門也。書有木子乘

猪下復正三韓境之句。丁。去聲。太。祖。誕。於。乙。亥。歲。復。扶。又。切。使人

迎入。則已去。尋之不得

右第八十六章

모우히대방문동우수. 문티시며. 사호나한소을. 문

소내자부시며

두리에버디림. 문문스시치하시니. 聖人神力。

어나다승동. 니

馬上大虎。一手格之。方鬪巨牛。兩手執之。巨。白。許。切。大也。執。謂。

也持

橋外隕馬薄言挈之。

聖人神力奚罄說之。

隕。羽敏切。從高

下也。挈。詰結切。縣持也。罄。告定切。盡也。

太祖少時在東北面有人告曰有大虎在某藪中。

少。詩照切。藪。蘇口切。澤無水有草曰藪。

太祖執弓矢又以一矢插

腰間而往登藪之後岷令人從下而驅。

令。平聲。

太

祖忽見虎在側甚近即馳馬避之虎逐之登馬臀

欲攫。臀。徒孫切。腿。壓也。攫。厥縛切。爪持也。

太祖以右手揮格之虎

仰倒不能起。太祖回馬射殪之。

揮。吁韋切。奮也。振也。射。食亦切。

○高麗恭讓王時太祖在咸州有大牛相鬪衆

人止之不得。或脫衣。或然火以投之。猶不能禁。然

延切。燒也。

太祖以兩手分持之。牛不能闕。○恭讓王

時。太祖往觀通川叢石亭。至安邊鶴浦橋。適睡。

馬蹉跌而墜。

通川。木高。勾麗休壤郡。新羅改金壤郡。高麗初置縣令。忠烈王十一年。陞

為知通州事。本朝因之。太宗十三年。改通川郡。今屬江原道。叢聚也。叢石亭。在通川郡北十二

里。有數十石柱。叢立海中。石皆六面。形如削玉。類束筮者。凡四處。亭在海崖。臨叢石。故因名焉。新羅

改高句麗。鶴浦縣為鶴浦縣。屬金壤郡。今屬咸吉道。安邊府任內。在府東五十餘里。橋在鶴浦縣前。

故因名鶴浦橋。蹉。倉何切。跌。徒結切。蹉跌。足失措也。墜。落也。

太祖即下立。以

兩手執馬耳及鬣。馬懸空而終不捨。令人拔所

御刀斷去鞍具而後捨之下去聲。驥力涉切。馬領毛也。令平聲。拔蒲撥切。

抽也。斷絕也。馬沈復浮游而出復扶又切。游浮行也。

右第八十七章

마순사슴의등과도조임입과는과遮陽[세주]네

도잇더신가

그은썩을로모티는이시니。聖人神武[엇더]호시

니

麋脊四十與賊口目。遮陽三鼠其在于昔其在于昔言前昔所

也無

維伏之雉必令驚飛。聖人神武固如何具。今平聲其音基。

詞語

太祖從幸禍畋于海州。矢入進新矢。太祖令亂。

棹紙丸於積稻之上射之皆中。

令平聲射食亦切下同。中去聲下。

並謂左右曰今日射獸當盡中脊。

脊資昔切積也積續骨節脉絡

土下也

太祖平時射獸必中右鴈翅骨。

翅施智切鴈翅骨在

前

是日射鹿四十皆正中其脊人服其神世人

射獸獸在左則射獸之右獸自右橫走出左則射

獸之左。太祖逐獸獸雖自右而左不即射之必

折旋其馬而鞭之。使獸在左直走。乃射之。亦必中。

右鴈翅骨。折旋直去而復橫去也。時人皆曰。李公射百獸。

必百中其右。○射賊口目事。見上。上。第三十五章及三十七章也。

○太祖在潛邸。與禹仁烈坐西廳。見遮陽三鼠緣。

楯而走。遮陽。架木承簷以蔽日光者也。緣。循也。楯。旻悲切。橫梁也。太祖呼僮。

取弓及撲頭三候之。僮。徒紅切。僕也。一鼠旋過于楯。旋。去聲。

太祖以謂中之而已。不至於傷可矣。遂射之。中。去聲。射。

食亦切。鼠與矢俱墜。果不死而走。餘二鼠亦如之。○

太祖行于原野。遇有伏雉。必令驚飛。高至數丈。仰。

더신가

東門밖의 돌소리듣는다. 聖人神功이 소위 더다.

시니

松子維七與彼枯木。堯牟三箭又在于昔。又在于昔言亦前昔

所無也

東門之外矮松立折。聖人神功其又何若

松子維七事見上上第五十八章及三十七章也

東門之外事見上上第九章也

右第八十九章

두兄弟신하건마른藥이하늘계우니야만남지호
신일호롬엇더호시니

두버디비배안마른리미하늘계우니어마남
드르신말엇더호시니

兄弟謀多藥不勝天厥考所名果如何焉

兩朋舟覆風靡勝天維母所聞果如何焉覆敗也

兄弟謀多事見上上。第二十六章也○唐太宗方四歲有

書生謁高祖曰公在相法貴人也然必有貴子相去

聲及見太宗曰龍鳳之姿天日之表其年幾冠必

能濟世安民

表標也。人形體之彰識也。幾平聲。冠古玩切。男子二十加冠曰冠。

書

生已辭去。高祖懼其語泄。使人追殺之。而不知所

往。因以為神。乃採其語名之曰世民

採取也。

兩朋舟覆事。見上

上第七十一章也。

①太宗未冠時

冠古玩切。

有術士文成允。齋啓

神懿王后曰。此兒必有天

命。未可與他人言之。

右第九十童

아바남이받소복을제어마남그리신은을들左右

하수방아바남은怒호시니

아바님보시옵실제. 어마님영히신김을. 左右

아바님방. 아바님을. 르. 시니

侍宴父皇憶母悲涕左右訢止。父皇則憺。憶念也。憺才詣切。怒也。

來見。父王戀。母悲淚。左右傷止。父王稱謂。見賢

遍切。傷。痛也。謂。言也。

侍宴父皇事見上。上。第二十六章也。

太宗服。神懿王后之喪。廬于陵側。每為覲。

太祖入京。於道上兩泣不絕。為去聲。覲見也。涕至泣如雨。謂之兩泣。

大孝如此。人脫之衣。我獨不脫。禮經是依。此亦承上章而言

太宗之孝如此其大。故不徇舊習之非。而能行禮經也。

唐太宗謂司徒長孫無忌等曰。長上聲今日吾生日。

世俗皆為樂。在朕翻成傷感。樂音洛。下同。翻反也。今日君臨天

下。富有四海。而承歡膝下。永不可得。此子路所以

有負米之恨也。子路。姓仲。名由。孔子弟子也。家語。子路見於孔子曰。昔者由也。事二

親之時。常食藜藿之實。為親負米百里之外。親歿之後。南遊於楚。從車百乘。積粟萬鍾。累茵而坐。列

鼎而食。願欲食藜藿。為親負米。不可復得也。孔子曰。由也。事親。可謂生事盡力。死事盡思者也。詩

云。哀哀父母。生我劬勞。詩。小雅。蓼莪之篇也。劬。摧俱切。劬勞。病苦也。奈

어마남산陵은름스샤粟村애도라오시면建國之

功을일우시리잇가

粟村 山陵 所在地名

守考梓宮高平不赴配天之業其何能固

言若不赴高平之戰

則無以固配天之業也

戀 妣山陵粟村旋行建國之功其何能成

守考梓宮事見上

上。第二十四章也

戀 妣山陵事見上

上。第十章也

若第九十三章

내가리이다. 임이나宗廟為공야가시니紹興之命

을金人이모르니 為去聲

네가삼호리라귀신은社稷為호야가시니忠國

之誠은天子아르시니

人請去矣去為宗廟紹興之命金人莫料 料度也

汝必往哉往為社稷忠國之誠天子迺識

人請去矣事見上 上第三十
二章也

太祖朝 朝馳遙切
下並同天子以本國遣人至遼東

賈希帛金銀假以行禮誘我邊將又遣人說誘女

直潛度鴨綠江等事下 手詔責之 將即亮切
說音稅下

同。度。通作渡。下。去聲。

土表辨明。

上。上聲。

其略曰。至若行禮於

遼東。是亦景仰於

上國。

景慕也。

當使介往來之際

有賓主交接之儀。在禮則然。於誘何敢

使。去聲。下同。介。副

也。所以輔行使事也。

其有女直。隸于東寧。既皆作軍。而當差

安肯遣人而說誘。但遼東都司。起取脫歡。不花之

時。其管下人民。或有不即隨行者。

脫歡。不花。人名。

由彼安

土。非臣勒留。無所供於我邦。各自守其舊業。

勒。抑也。

贊成事。鄭道傳之辭也。

天子以表辭倨傲。益

怒。命遼東毋納朝鮮之使。使臣至遼東。不得入。而

還者凡五輩。天子遣使諭。太祖送親男。

太祖謂 太宗曰。天子若有所問。非汝莫能

詳對。太宗曰。臣為 宗社大計。豈應辭避。為去聲下

並同。應於陵切遂 命 太宗與知中樞院事趙鼎奉表。

參贊門下府事南在奉箋。如 京師。太祖涕出

曰。稟質瘦萬里。還乎。瘦所又切是行也。朝

臣皆為 太宗危之。在曰。靖安君有萬里之行

吾輩枕枕死於此可乎。自請而往。上枕去聲。以首枕物也。下枕上

聲。卧所薦首者贊成事成石璘作詩以送 太宗曰。知子

知臣 睿鑑明。左傳。申無字曰。擇子莫如父。擇臣莫如君。註。子之賢否。知之者莫如

其父之為悉。臣之賢否。知之者莫如其君之為悉。 畏天誠意為生成。孟子曰。以

小事大。畏天者也。 皆言萬世 朝鮮慶在此炎霖跋涉行。

炎。熱也。草行曰跋。水行曰涉。 上國士人見 太宗皆稱朝鮮

世子甚敬之。 太宗過 燕府。燕。即今之北京也。太宗皇帝為燕王。

開府於此。故稱燕府。 太宗皇帝親見之。旁無衛士。唯一

人侍立。温言禮接甚厚。因使侍立者饋酒食。極豐

潔。使。如字。食。去聲。 太宗離燕在道上。 太宗皇帝乘

安輦朝 京師。驅馬疾行。輦。與同。安輦。即輦。之駕馬以行者。 太

宗下馬見於路側。下。去聲。見賢。遍切。側。旁也。

太宗皇帝停

駕。亟手開輦帷。溫言良久。乃過行。亟。紀力切。太宗至

京師。天子引見再三。太宗敷奏詳明。

天子優禮遣還。乃命開通道路。敷。陳。奏。進也。後

太宗見欽差內官黃儼。問昔見帝于燕府

之日。侍立者為誰。朝廷。臨事。差人。使於四方者。稱

為。如字。儼曰。慶大人溫良人也。帝最親

信者。今已亡矣。

右第九十四章

차.엄.와.傲.色.이.더.니.濟.世.英.主. | 실.씩.마.쪼.빙.예.니.

승.을.놀.라.니 英主。指唐太宗也

간.고.대.禮.貌.업.더.니.盖.天 英.氣.실.씩.이.바.다.예.머

리.로.를.조.스.니

初.附.之.時.尚.有.傲.色.濟.世.英.主.迎.見.驚.服

所.至.之.處.靡.不.蔑.視.盖.天 英.氣.當.宴.敬.禮 蔑。無也。言

視之如無也

初.附.之.時.事.見.上 上。第十

六章也

太.祖.皇.帝.時. 欽.差.官.尚.寶.司.丞.牛.牛.到.國 大明官制

官制

尚寶司丞三負。扶正六品。牛牛。人名也。

太祖使宗親各備宴以慰

之。其人倨慢。所至無禮貌。至太宗邸見太宗

不覺禮敬。下座叩頭。下。去聲。世子芳頤之黨皆不悅。

相謂曰。天子之使。叩頭於陪臣。豈有此禮。必

有以也。使。去聲。因欲譖於太祖。竟不果。○冝城君

南閔。平時見太宗。則必謂人曰。斯人蓋天英

氣。蓋。掩也。○太宗即位後。太宗皇帝遣內官黃

儼到國。及還在沙峴。오. 물. 개. 아.道中。謂通事金時遇曰。

汝國賢王。古稱箕子王。建。今王之賢德過之。故

皇帝眷顧特厚

沙峴在都城敦義門外慕華館西北通兩國之言者謂之通事

右第九十五章

孝道 호심도 리그를 어엿히 너겨 모샤 漢家仁風 은음

우시니이다

孝道 호심도 아늘이 아늘을 들피너겨 들리샤 聖祖仁政

은도 은도 시니이다

孝女之書覽之哀矜 漢家仁風 迺克成之 矜也 愍也

孝子之哭 聽之傷歎 聖祖仁政 斯能贊之 贊也 助也

漢文帝時齊太倉令淳于意有罪當刑 太倉令齊王國官也

溥于復姓。其少女緹縈。上書曰。少。詩照切。幼少也。緹。體啼二音。縈。音

嬰。緹縈。少女名也。上。上聲。妾父為吏。齊中皆稱其廉平。今坐法

當刑。妾傷夫死者不可復生。刑者不可復屬。復。扶又切。

下同。屬。音燭。雖後欲改過自新。其道無繇也。繇。讀曰由。妾願

沒入為官婢。以贖父刑罪。使得自新。漢制。永巷令。典官婢。文

帝憐悲其意。詔曰。詩曰。愷弟君子。民之父母。詩。大雅。洞

酌之篇。言君子有和樂簡易之德。則其下尊之如父。親之如母也。今人有過。教未

施而刑已加焉。或欲改行為善。而道無繇至。朕甚

憐之。行。下孟切。夫刑至斷支體。刻肌膚。終身不息。何其

刑之痛而不德也。豈為民父母之意哉。

息生也。言既剝刑臍。

割而欲其復生長。不可得矣。

其餘肉刑有以易之。

肉刑。墨。劓。剕。宮。大辟也。易。

改也。

及命罪人各以輕重。不亡逃。有年而免。具為令。

令。平聲。其不亡逃者。滿其年數得免為庶人。具為令。言使更為條例也。

丞相張蒼御

史大夫馮敬奏請定律曰。

相。去聲。下同。御史大夫。秦官。位上卿。銀印青綬。

掌副丞相

諸當髡者為城旦舂。當黥髡者。鉗為城旦舂。

當劓者。笞三百。

髡。音坤。鬻也。謂去其髮及其形。鬻也。城旦者。旦起行治城。舂者。婦人

不豫外徭。但舂作米。皆四歲刑也。黥。割其面以墨涅之也。鉗。其炎切。以鐵束頸也。劓。疑器切。截其鼻

也。當斬左止者。笞五百。當斬右止。及殺人先自告

及吏坐受賕枉法守縣官財物而即盜之已論而

復有笞罪者皆棄市

止與趾同足也賕音求以財物枉法相謝也論平聲又音

倫當斬右足者以其罪次重故從棄市也殺人先

自告謂殺人而自首得免罪者也吏受賕枉法謂

受賂而曲公法者也守縣官財物而即盜之即律

所謂主守自盜者也殺人害重受賕盜物贓污之

身故此三罪已被論名罪人獄已決為城旦舂者

而又犯笞亦皆棄市也

各有歲數以免制曰可

城旦舂滿三歲為鬼薪白粲鬼薪白粲一歲為隸臣

妾隸臣妾一歲免為庶人隸臣妾滿二歲為司寇

司寇一歲及作如司寇二歲皆免為庶人群臣有

所奏請尚書令奏之下有是時文帝既躬修玄默

司曰制天子答之曰可

而將相皆舊功臣少文多質

道德經云玄之又玄衆妙之門溫公註云

非有非無微妙之極致也。又玄寂也。將即亮切。懲惡亡秦之政。論議務在

寬厚。恥言人之過失。化行天下。告訐之俗易。惡去聲。訐。

居謁切。面相斥罪也。吏安其官。民樂其業。畜積歲增。戶口寢

息。樂音洛。畜讀曰蓄。寢浸同。益也。風流篤厚。禁罔疏闊。罪疑者予

民。罔與網通。疏或作踈。言禁防如網之踈闊也。考子云。天網恢恢。疎而不失。子猶與也。從輕斷也。

是以刑罰大省。至於斷獄四百。有刑錯之風焉。省少。

也。斷獄四百。謂普天之下。死罪人不過四百也。錯通作措。置也。古者民不犯法。刑錯而不用。今雖未

及於古。庶幾有古之遺風焉。

太祖朝。朴子安為慶尚全羅道都安撫使。應接降

倭失誤軍機罪當斬。

朝。馳遙切。使去聲。都安撫使。不常置。若四方有事。則命大

臣使為之。降。胡江切。律。失誤軍機者斬。

已移書命誅之。以事干彼賊。

秘而不宣。外人莫得知之。

令。平聲。下並同。秘密也。

其子實聞

之。至

太宗郎。

實。其子之名也。

適有義安君和等諸宗親

詣太宗郎。太宗出門迎接。實涕泣請活父命。

活。生也。

太宗曰。國家大事。我將若何。諸宗親既入

而辭去。

太宗又出門送之。實投地痛哭。

太宗

心傷之。欲與諸宗親偕詣闕以請。諸宗親曰。此國

家秘事也。

上若問從何得知。則何辭以對。

太

宗曰。我將任其咎。即俱詣闕。令內官曹恂啓請之。

恂曰。此祕事也。諸宗親何得知之。太宗曰。刑人

殺人。國之大事。外人豈有不知之理乎。恂入啓。

太祖初聞之。怒曰。汝等以子安為無罪乎。俄而

命中樞院曰。子欲末減子安之罪。急召善騎知印。

移送文書。未。猶微也。國初。都評議使司。三軍府。中樞院。皆有知印。給事堂上官左右。

中樞院以沈龜壽啓。即命曰。汝盡力疾馳。及救

子安之死。龜壽受命疾馳。行路已過半而墜馬。

命驛吏代送其書。書到之日。官欲刑子安。漆其面。

褫其衣。刀刃已具。

時子安囚于全羅道鎮浦。凡人就斬者。先漆其面。褫丑豸切。

也。奪忽望之。於曠野有一人馳來。以笏揮之。官怪之。

停刑以待。子安得不死。

曠。闊也。

實本無學術。又非武

藝之人。而太宗賢其救父。使掌禁旅。位至二品。

禁旅。宮禁宿衛之兵也。

右第九十六章

將軍도한건마른。豁達大略이심씨。狂生이듣소방。

同里를을브터오니

將。即亮切。下同。

宗親도한건마른。

隆準龍顏이심씨。書生이보소。

卷之四

將軍雖多。豁達大略。狂生亦聞。依人以謁。

宗親雖多。隆准龍顏。書生載瞻。因友以攀。揚子曰。攀龍鱗。

附鳳翼

高陽人。酈食其家貧落魄。為里監門。高陽。聚邑名。屬陳留圉縣。

魄。音薄。落魄。失業無依不得志之貌。監門。門卒也。閭在鄉里在野。並五百家。皆有門。漢高祖

麾下士。適食其里中人。適。會也。食其見謂曰。諸侯將

過高陽者數十人。將。即亮切。下同。諸侯。將謂諸侯及諸將也。吾問其將

皆握齷好竒禮自用。不能聽大度之言。握。乙角切。齷。本作齷。齷。齷。

初角切。本作齷。握齷。急促貌。好。去聲。下同。

吾聞沛公慢而易人。多大略。

此真吾所願從游。莫為我先。

易。弋豉切。輕小也。為。去聲。先。謂先容也。莫。

為我先。言無人為我作紹介也。

若見沛公。謂曰。若。汝也。

臣里中有酈

生。年六十餘。長八尺。人皆謂之狂生。生自謂我非

狂生。

長。去聲。

騎士曰。

騎。去聲。下同。

沛公不好儒。諸客冠儒

冠來者。沛公輒解其冠。溲溺其中。與人言常大罵。

未可以儒生說也。

上冠。古玩切。溲。踈鳩切。溺。乃釣切。小便也。說。音稅。

酈生

曰。第言之。

第。但也。

騎士從容言。如酈生所誠者。

從。七恭切。

誠。居拜切。警。救之辭也。

高祖至高陽。傳舍使人召酈生。

傳。張戀切。

酈生至入謁。高祖方倨牀，使兩女子洗足，而見酈

生。

倨與踞同。

酈生入，則長揖不拜，曰：「足下欲助秦攻諸

侯乎？且欲率諸侯破秦也？」

長揖者，手自上而極下。

高祖罵曰：

「豎儒！天下同苦秦久矣，故諸侯相率而攻秦，何謂

助秦攻諸侯乎？」

豎，僮僕之稱，輕之以比奴豎，故曰豎儒。

酈生曰：「必聚

徒合義兵，誅無道秦，不宜倨見長者。」

長，上聲，長者，老人也，食其

自謂也。

於是高祖輟洗，起攝衣，延酈生上坐，謝之。

輟，株

劣切，止也。攝衣，起而持其衣也。延，引也。坐，才卧切。

酈生因言六國從橫時。

從，將容切。橫，胡肯切。以利合曰從，以威力相脅曰橫。一說，關東地從長，六國共居之。蘇秦相六國，今

從親而擯秦。故曰合從。關西地橫廣。秦獨居之。高張儀相秦。破關東從道。使連秦之橫。故曰連橫。高

祖喜。賜酈生食。問曰。計將安出。安。何也。酈生曰。足下

起糾合之衆。收散亂之兵。不滿萬人。欲以徑入疆

秦。此所謂探虎口者也。繩三合曰糾。糾合猶締交也。一說。糾。督也。漢書作瓦

合。謂如破瓦之相合。雖曰聚合而不齊同也。夫陳留天下之衝。四通五

達之郊也。陳留縣名。屬陳留郡。留本鄭邑也。後為陳所并。故曰陳留也。衝。通道也。四通五

達。言無險阻也。四面往來。今其城中又多積粟。臣

善其令。言我與陳留縣令相親善也。請得使之。令下足下。使。去聲。令。

平聲。令下之下。去聲。言我請得為使而往說之。可令其歸伏也。即不聽。足下引兵

攻之。臣為內應。於是遣酈生行。高祖引兵隨之。遂

下陳留。號食其為廣野君。

下。去聲。廣野。在河內山陽縣。

太祖隆準龍顏。奇偉絕倫。幼時遊於咸興永興間。

北人求鷹者必曰。願得神俊如李

太祖諱

者。諸子

中獨太宗貌類焉。類。肖似也。河崙與驪興府院君閔

霽為同志之友。

驪興。本高句驪骨乃斤縣。新羅改黃驍為泝川郡。領縣高麗改為黃

驪。顯宗屬原州任內。後置監務。或稱黃利。忠烈王以妣順敬王后內鄉。陞為驪興郡。後又陞為黃驪

府。恭讓王復降為驪興郡。本朝太宗元年以元敬王后內鄉陞為府。十三年改為都護府。別號

驪江。今屬京畿道。

崙素好相人。謂霽曰。吾相人多矣。未有

如公之 二甥者。吾欲謁見。請公道之。好去聲。相並去聲。女

之婿曰甥。元敬王后。霽之第二女。故謂太宗為二甥也。見賢遍切。道導同。引也。霽謂

太宗曰。河崙欲見君。太宗乃見之。崙遂傾心

事焉。後為定社佐命功臣配饗廟庭。對配

也。以功而配食於廟。周制。凡有功者。祭于大烝。漢制。祭功臣於庭。生時侍燕於庭。死則降在庭位。謂

之配饗

右第九十七章

龍飛御天歌卷第九



